

SKIPULAGSSKRÁ

fyrir Listahátíð í Reykjavík.

Heiti, varnarþing og heimili.

1. gr.

Listahátíð í Reykjavík er sjálfseignarstofnun (hér eftir nefnd „stofnunin“ og „Listahátíð“) með sérstaka stjórn. Heimili og varnarþing er í Reykjavík.

Markmið og hlutverk.

2. gr.

Markmið Listahátíðar er að efla menningar- og listalíf á Íslandi, almenningi til heilla. Verði hagnaður af starfsemi stofnunarinnar þá verður honum varið í þágu þessa markmiðs.

Hlutverk Listahátíðar er að skipuleggja og standa að árlegum listahátíðum í Reykjavík á sviði tónlistar og söngs, leik- og danslistar, bókmennata, myndlistar, hönnunar og fleiri listgreina. Hafa skal metnaðarfulla listsþöpun að leiðarljósi og kappkostað að tefla fram framúrskarandi listafólk af hinu alþjóðlega sviði og því besta sem býr í listmenningu þjóðarinnar. Sérstaka áherslu ber að leggja á nýsköpun og aðra þá þætti íslenskrar menningar sem skapa henni sérstöðu í samfélagi þjóðanna.

Stofnendur.

3. gr.

Stofnendur Listahátíðar eru:

Menntamálaráðuneytið, kt. 460269-2969 og Reykjavíkurborg, kt. 530269-7609.

Stofnfé er kr. 1.000.000 sbr. 10. gr. og er greitt að jöfnu með reiðufé af stofnendum.

Stofnendur skulu greiða árgjald 1. september ár hvert eins og það er ákvarðað af stjórn á hverjum tíma.

Listahátíð er heimilt að stofna til samstarfs við aðila og stofnanir í öðrum sveitarfélögum um listviðburði, sem og við aðila og stofnanir erlendis.

Stjórn.

4. gr.

Stjórn Listahátíðar skal skipuð þemur stjórnarmönnum. Skal einn tilnefndur af menntamálaráðherra, einn tilnefndur af borgarstjóranum í Reykjavík og einn kosinn á aðalfundi fulltrúaráðs Listahátíðar í Reykjavík. Stjórnarmenn eru skipaðir til tveggja ára í senn. Fulltrúar menntamálaráðherra og borgarstjóra gegna formennsku og varaformennsku í stjórn til skiptis, tvö ár í senn.

5. gr.

Stjórnin heldur fundi svo oft sem þurfa þykir. Stjórnarfundur er ályktunarbær ef formaður og a.m.k. annar hinna stjórnarmannanna sækir hann.

Stjórnin ber ábyrgð á rekstri stofnunarinnar og fjárreiðum og samþykkir fjárhagsáætlanir.

Stjórnin ákveður, að fenginni tillögu listræns stjórnanda, hvenær listahátíð hvers árs skuli haldin og hvaða meginjónarmið skuli viðhöfð við skipulagningu og framkvæmd hverrar hátiðar.

Stjórnin ræður listrænan stjórnanda til þess að móta og sjá um framkvæmd dagskrár fyrir hverja hátið. Listrænn stjórnandi ber ábyrgð gagnvart stjórn á öllum rekstri Listahátíðar í listrænu og fjárhagslegu tilliti. Stjórnin ræður framkvæmdastjóra í samráði við listrænan stjórnanda, til þess að annast daglegan rekstur stofnunarinnar í umboði hans.

Þarf samþykki allra stjórnarmeðlima til ráðningar þessara aðila.

Allar meiriháttar fjárskuldbindingar stofnunarinnar eru háðar samþykki stjórnar.

Starfsmenn.

6. gr.

Listraenn stjórnandi er yfirmaður Listahátiðar í fullu starfi. Hann er ráðinn af stjórn til allt að fjögurra ára í senn og er heimilt að framlengja þá ráðningu í allt að fjögur ár til viðbótar, án auglýsingar. Starf listraens stjórnanda skal auglyst í fjölmíðlum er það er laust til umsóknar. Í ráðningarsamningi stjórnandans skal kveðið nánar á um starfskjör og starfstíma.

Listraenn stjórnandi mótar dagskrá hverrar hátíðar og er ábyrgur fyrir framkvæmd hennar gagnvart stjórn. Stjórnandinn skal leggja fjárhagsáætlun hverrar hátíðar fyrir stjórn til samþykktar og er hann ábyrgur fyrir framkvæmd hennar gagnvart stjórninni.

Listraenn stjórnandi ræður starfsfólk til stofnunarinnar að fengnu samþykki stjórnar. Þetta á ekki við um framkvæmdastjóra sem er ráðinn af stjórn sbr. 5. gr.

7. gr.

Framkvæmdastjóri annast daglegan rekstur Listahátiðar, vinnur að fjárlöfun, undirbýr gerð fjárhagsáætlunar og reikningsskila og situr stjórnarfundi, allt í samráði við listraenan stjórnanda og í umboði hans. Ráðningartími framkvæmdastjóra skal miðast við allt að fjögur ár í senn en heimilt er að framlengja ráðningu hans í allt að fjögur ár til viðbótar, án auglýsingar. Starf framkvæmdastjóra skal auglyst í fjölmíðlum er það er laust til umsóknar. Nánar skal kveðið á um starfskjör og starfstíma framkvæmdastjóra í ráðningarsamningi.

8. gr.

Listraenn stjórnandi skal leggja fjárhagsáætlun fyrir stjórn til samþykktar sem svo kynnir hana fyrir fulltrúaráði. Listraenn stjórnandi skal fyrir lok marsmánaðar ár hvert leggja fyrir stjórn stofnunarinnar skýrslu um starfsemi liðins starfsárs og ársreikning.

9. gr.

Listraenn stjórnandi skal, með samþykki stjórnar, skipa allt að fimm menn í dagskrárnefnd stjórnanda til ráðgjafar og skulu þeir sitja eitt ár í senn. Stjórn Listahátiðar ákveður þóknun fyrir nefndarsetu. Listraenn stjórnandi stýrir fundum nefndarinnar. Framkvæmdastjóri situr fundi dagskrárnefndar og er þar listraenum stjórnanda til aðstoðar.

Fjármál.

10. gr.

Sem sjálfseignarstofnun hefur Listahátið sjálfstæðan fjárhag og frá og með stofndegi tekur hún við öllum verkefnum, eignum og skuldbindingum Listahátiðar í Reykjavík.

Reikningsárið er almanaksárið. Endurskoðaðir reikningar skulu kynntir á aðalfundi fulltrúaráðs. Stjórn stofnunarinnar skal velja einn eða fleiri löggilda endurskoðendur til að endurskoða reikninga stofnunarinnar fyrir hvert starfsár. Endurskoðendur má ekki kjósa úr hópi stjórnarmanna félagsins.

Reikningar skulu sendir Ríkisendurskoðun og skrifstofu borgarstjóra eigi síðar en 30. júní ár hvert fyrir næstliðið ár ásamt skýrslu um hvernig fé stofnunarinnar hefur verið ráðstafað á því ári.

11. gr.

Stofnendur ábyrgjast fjárstuðning til stofnunarinnar samkvæmt sérstökum samningi.

Stofnuninni er heimilt að leita eftir fjárstuðningi hjá öðrum aðilum.

Stofnunin ber ábyrgð á skuldbindingum sínum.

12. gr.

Stjórn stofnunarinnar getur með samhljóða samþykkt breytt skipulagsskrá þessari. Breytingar á skipulagsskránni verða aðeins samþykktar á löglega boðuðum fundi stjórnar enda hafi tillaga um slíkar breytingar verið kynnt í fundarboði. Hið sama á við um ákvörðun um slit stofnunarinnar eða sameiningu hennar við aðra aðila. Þegar lögmað ákvörðun liggur fyrir um slit stofnunarinnar eða sameiningu við aðra aðila kveður stjórnin á um hvernig fara skuli með eיגur stofnunarinnar í samræmi við markmið hennar.

Nr. 131

22. janúar 2009

13. gr.

Samkvæmt 4. gr. reglugerðar nr. 140/2008 skal leita samþykktar sýslumanns fyrir skipulagsskrá þessari.

Skipulagsskrá þessi er samþykkt á fundi stjórnar Listaháfðar í Reykavík þann 30. október 2008.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Sýslumaðurinn á Sauðárkróki, 22. janúar 2009.

Ríkarður Másson.

Helgi Már Ólafsson.

B-deild – Útgáfud.: 9. febrúar 2009